

ACTA APOSTOLICAE SEDIS

COMMENTARIUM OFFICIALE



SUMMARIUM

Acta Pii PP. XI: Constitutiones Apostolicae, p. 561 - Litterae Apostolicae, p. 571 - Epistolae, p. 573.

Acta SS. Congregationum: *S. C. Consistorialis*: I Decretum, p. 580; II Provisio Ecclesiarum, p. 581 - *S. C. pro Ecclesia Orientali*: Nominatio, p. 581.

Acta Officiorum: Pontificia Commissio ad codicis canones authenticè interpretandos: Responsa, p. 582.

Diarium Romanae Curiae: *S. C. del Riti*, p. 584 - Segreteria di Stato: Nomine e Onorificenze, p. 585 - Maggiordomo di S. Santità: Nomine, p. 589 - Necrologio, p. 591.

ROMAE

TYPIS POLYGLOTTIS VATICANIS

M. DCCCXV

Directio: Palazzo della Cancelleria — Roma.
Administratio: Tipografia Poliglotta Vaticana
— Roma.

Pretium annuae subnotationis
Pro Italia, Lib. 18 — Extra Italiam, *Frs.* 24 —
Unius fasciculi, Lib. 3 —

« Bis fere in menses (Commentarium) prodibit ac quotiescunque vel necessitas vel utilitas id postulare videbitur » (Ex *Commentarii Officialis* ratione die 29 octobris 1908 edita).

INDEX HUTUS FASCICULI

(An. XVII, n. 14 - 1 Decembris 1925)

ACTA PII PP. XI

CONSTITUTIONES APOSTOLICAE

	PAG.
I. AMAZONENSIS. <i>Imperscrutabili Dei</i> . - Dismembratio et erectio Praelaturae « nullus » de Labrea. - 1 Maii 1925	561
II. AMAZONENSIS ET SANCTI ALOYSII DE CACERES. <i>Inter Nostri</i> . - Dismembratio et erectio Praelaturae « nullus » Portus Veteris. - 1 Maii 1925	564
III. FLUMINIS NIGRI. <i>Christianae religionis</i> . - ERECTIO IN Praelaturam « nullus ». - 1 Maii 1925	567
IV. MEDIOLANEN. ET PARTEN. <i>Vertit in animarum</i> . - Dismembrationis et unionis. - 10 Iunii 1925	569

LITTERAE APOSTOLICAE

I. <i>Inter vetustissima</i> . - Titulus et privilegia Basilicae Minoris collata Ecclesiae S. Victoris Mauri, Martyris, in oppido « Varese », Archidioecesis Mediolanensis. - 3 Iulii 1925	571
II. <i>Satis constat</i> . - Ecclesia cathedralis Spirensis, in honorem Beatae Mariae Virginis sideribus receptae, titulo ac privilegiis Basilicae Minoris condecoratur. - 5 Iulii 1925	572

EPISTOLAE

I. <i>St, per hos</i> . - Ad Edmum P. D. Ludovicum Henricum, titulo Sanctae Mariae Novae, S. R. E. Presb. Card. Luçon, Archiepiscopum Rhemensem, quem legatum mittit Parisios sollempnibus, quinquagesimo exeunte anno ab Instituto Catholico Parisiensi condito, celebrandis. - 28 Octobris 1925	573
II. <i>Centesimo vertente</i> . - Ad R. P. D. Ioannem Franciscum Aragone, Archiepiscopum Montis-Videl, centesimo vertente anno a condita Republica. - 30 Octobris 1925	575
III. <i>Epistolam hanc</i> . - Ad R. P. D. Iosephum Rumeau, Episcopum Andegavensem: quinquagesimo anno a Catholica Andegavensi studiorum Universitate condita feliciter expleto. - 1 Novembris 1925	576
IV. <i>Laetamur equidem</i> . - Ad R. D. Albertum Lucas, summum moderatorem Sodalitatis a Iesu et Maria: centesimo exeunte anno a Sodaltate feliciter restituta. - 7 Novembris 1925	577

V. <i>Dilaudandi profecto</i> . - Ad R. m. Pp. Ellam Magenns, Priorem Generalem Carmelitarum Veterum, et Gulielmum a S. Alberto, Praepositum Generalem Carmelitarum Excalceatorum: septimo pleno saeculo a condita Carmelitica regula. - 15 Novembris 1925	578
----------------------------------------------------------------------------------------------------------------------------------------------------------------------------------------------------------------------------------------------------------------------	-----

ACTA SS. CONGREGATIONUM

Sacra Congregatio Consistorialis

I. <i>Augustan. - Eistetten</i> . - Decretum de finium Dioecesium commutatione. - 24 Novembris 1925	580
II. <i>Provisio Ecclesiarum</i>	581

S. Congregatio pro Ecclesia Orientali

Nominatio	581
---------------------	-----

ACTA OFFICIORUM

Responsa ad proposita dubia Pontificiae Commissionis ad Codicis canones authenticè interpretandos. - 10 Novembris 1925	582
----------------------------------------------------------------------------------------------------------------------------------	-----

DIARIUM ROMANAE CURIAE

I. Sacra Congregazione dei Riti: <i>Congregazioni varie</i>	584
II. Segreteria di Stato: <i>Nomine e Onorificenze</i>	585
III. Magglordomato: <i>Nomine</i>	589
IV. Necrologio	591

ACTA APOSTOLICAE SEDIS

COMMENTARIUM OFFICIALE

ACTA PII PP. XI

CONSTITUTIONES APOSTOLICAE

I

AMAZONENSIS

DISMEMBRATIO ET ERECTIO PRAELATURAE « NULLIUS » DE LABREA

PIUS EPISCOPUS

SERVUS SERVORUM DEI

AD PERPETUAM REI MEMORIAM

Imperscrutabili Dei consilio ad Petri Cathedram, meritis licet imparibus, eveci, Praedecessorum Nostrorum vestigiis inhaerentes, summomere curavimus ut, quum aliqua regio, vel ob nimiam amplitudinem, vel ob auctum christifidelium numerum, ab uno tantum Pastore regi nequeat, novae constituerentur Ecclesiae, ut animarum cura, inter plures divisa Pastores, facilius ac utilius exerceri posset.

Quum itaque Amazonensis dioecesis, in Brasiliana Republica, latissime pateat et eius Episcopus rei sacrae procurandae, ob sacrorum administratorum penuriam, impar omnino sit, ab eodem Episcopo postulatum fuit, ut pars quaedam territorii a sua dioecesi distraheretur atque in Praelaturam *nullius* erigeretur. Nos autem, considerantes id in bonum fidelium eiusdem regionis cessurum, oblati precibus annuendum censuimus.

Quamobrem, suffragante Nuntio Apostolico in Brasiliana Republica, de consilio venerabilium fratrum Nostrorum S. R. E. Cardinalium Sacrae Congregationi Consistoriali praepositorum, suppleto, quatenus opus sit, quorum intersit, vel sua interesse praesumant, consensu, Apostolicae potestatis plenitudine, a dioecesi Amazonensi separamus territorii partem.

complectentem paroecias de *Labrea*, *Canutamam* et *Florianum Peixoto*, eamque in Praelaturam, de *Labrea* appellandam, constituimus; simul decernentes ut haec Praelatura, usquedum aliter de ea disponere visum fuerit, ad omnes iuris effectus sit vere et proprie *nullius dioecesis*, atque metropolitanae Ecclesiae Belemensi de Para, eiusque Archiepiscopo pro tempore tamquam suffraganea sit subiecta.

Huius Praelaturae fines iidem erunt, quibus memoratae paroeciae, ab Amazonensi dioecesi distrahendae, delimitabantur.

Eiusdem Praelaturae sedem in ipso oppido de *Labrea*, a quo nomen mutuatur, statuimus, et ecclesiam ibidem exstantem in praelatitiam ecclesiam constituimus pro uno Praelato *nullius dioecesis*, ad instar episcopalis dignitatis, cum iuribus, officiis, mensa et Capitulo, honoribus et privilegiis, quibus similes Praelati et praelatitiae Ecclesiae in Brasiliana Republica fruuntur ac gaudent.

Ut vero Praelatus in suo territorio omnes sui officii partes adamussim explere valeat, simulque omnia munera obire quae Episcopi in suis dioecesibus, statuimus ut ipse Praelatus caractere ac dignitate episcopali exornatus sit. Eidem idcirco, una cum Praelatura, titulus episcopalis ex Summi Pontificis praescripto erit conferendus; ideoque Praelatus in suo territorio eandem tum ordinis, tum iurisdictionis exercebit potestatem, quam Episcopi in propriis dioecesibus, quorum etiam legibus et officiis adstringetur.

Praeterea quae in Apostolicis sub plumbo Litteris die vigesima septima mensis aprilis anno millesimo octingentesimo nonagesimo secundo datis, quorum initium *Ad universas orbis ecclesias*, constituenda disponuntur de novarum dioecesium in Brasiliana Republica honoribus, privilegiis et indultis; de Episcoporum potestate et attributionibus, de Capituli institutione ac Seminarii regimine et administratione, de ipsorum denique christifidelium ac clericorum iuribus et muniis, de documentorum traditione aliisque id genus, omnia, congrua congruis referendo, religiose sartis tectisque dispositionibus Codicis iuris canonici et decretis Concilii Plenarii Americae Latinae anno millesimo octingentesimo nonagesimo nono Romae celebrati, servanda, quoad novam Praelaturam, iubemus.

In dotem autem ipsius Praelaturae assignamus et attribuimus, si quae sint, bona et redditus ecclesiae de *Labrea*, modo in Praelatitiam erigendae; item obligationes, subsidia et dona quaecumque, quae titulo gratuito ad hoc conferentur.

Statuimus denique ut, iuxta quae in memorato Concilio Plenario Americae Latinae decreta sunt, etiam a noviter erecta Praelatura *nullius de Labrea*, eiusque sumptibus alendi, ubi primum fieri poterit, bini delecti

iuvenes ad Collegium Pium Latinum Americanum de Urbe, non intermissa vice, mittantur, ut ibi in spem Ecclesiae instituantur. Quo vero stabilius et horum clericorum sustentationi et Collegii dotationi sit provisum, maxime exoptamus ut, huius Praelaturae Praesulum pro tempore cura et studio, quamcitus fieri poterit, tot conferantur bona, quot requiruntur ut ex eorum redditibus duo praedicti alumni, aut modo saltem unus, sustentari queant.

Praesentes autem Litteras et in eis contenta quaecumque, etiam ex eo quod quilibet, quorum intersit vel sua interesse praesumant, auditi non fuerint, ac praemissis non consenserint, etiam si expressa, specifica et individua mentione digni sint, nullo unquam tempore de subreptionis, vel obreptionis, aut nullitatis vitio, seu intentionis Nostrae, vel quolibet alio, licet substantiali et inexcogitato, defectu notari, impugnari vel in controversiam vocari posse; sed eas, tamquam ex certa scientia ac potestatis plenitudine, factas et emanatas, perpetuo validas exsistere et fore, suosque plenarios et integros effectus sortiri et obtinere, atque ab omnibus, ad quos spectat, inviolabiliter observari debere; et si secus super his a quocumque, quavis auctoritate, scienter vel ignoranter contigerit attentari, irritum prorsus et inane esse et fore volumus et decernimus.

Hisce itaque, ut supra, constitutis, ad eadem omnia executioni mandanda deputamus venerabilem fratrem Henricum Gasparri, Archiepiscopum titularem Sebastensem et in Brasiliana Republica Apostolicum Nuntium, eidem propterea tribuentes necessarias et opportunas facultates, etiam subdelegandi, ad effectum de quo agitur, quemlibet virum in ecclesiastica dignitate constitutum, ac definitive pronuntiandi super quavis difficultate et oppositione in executionis actu quomodolibet oritura, cum onere ad Sacram Congregationem Consistorialem infra sex menses transmittendi authenticum exemplar peractae executionis, ut in eius tabulario asservetur. Volumus autem ut harum Litterarum transumptis, etiam impressis, manu tamen alicuius Notarii publici subscriptis ac sigillo alicuius viri in ecclesiastica dignitate constituti munitis, eadem prorsus fides tribuatur, quae hisce Litteris Nostris tribueretur, si originaliter exhibitae vel ostensae forent.

Non obstantibus, quatenus opus sit, regulis in synodalibus, provincialibus, generalibus universalibusque Conciliis editis, specialibus vel generalibus constitutionibus et ordinationibus Apostolicis et quibusvis aliis Romanorum Pontificum Praedecessorum Nostrorum dispositionibus, ceterisque contrariis quibuscumque.

Nemini autem has Litteras dismembrationis, erectionis, evectionis, statuti, mandati, derogationis et voluntatis Nostrae infringere vel eis contraire liceat. Si quis vero, ausu temerario, hoc attentare praesumpse-

rit, indignationem omnipotentis Dei ac beatorum Petri et Pauli, Apostolorum Eius, se noverit incursum.

Datum Romae apud Sanctum Petrum, anno Domini millesimo non-gentesimo vigesimo quinto, die prima mensis maii, Pontificatus Nostri anno quarto.

O. CARD. CAGIANO,
S. R. E. Cancellarius.

✠ C. CARD. DE LAI, Episc. Sabinen.,
S. C. Consistorialis Secretarius.

Dominicus Spolverini, *Protonotarius Apostolicus*.
Dominicus Iorio, *Protonotarius Apostolicus*.

Loco ✠ Plumbi.

Reg. in Canc. Ap., vol. XXX, n. 16.

II

AMAZONENSIS ET SANCTI ALOYSII DE CACERES

DISMEMBRATIO ET ERECTIO PRAELATURAE « NULLIUS » PORTUS VETERIS

PIUS EPISCOPUS

SERVUS SERVORUM DEI

AD PERPETUAM REI MEMORIAM

Inter Nostri pastoralis muneris officia est dioecesis novos fines constituere, ut Antistites mystico gregi eis commisso aptius consulere queant.

Quum Amazonensis et Sancti Aloysii de *Caceres* dioeceses latissime pateant et rei sacrae procurandae, ob defectum sacrorum administratorum, impares omnino sint, ab Episcopis utriusque dioecesis postulatum fuit ut pars territorii ab unaquaque sua dioecesi distraheretur atque in Praelaturam *nullius* erigeretur. Et Nos, id noscentes in bonum eorumdem fidelium cessurum, oblati precibus annuendum esse censuimus.

Quamobrem, suffragante hodierno Apostolico Nuntio in Brasiliana Republica, et de consulto venerabilium fratrum Sacrae Congregationis Consistorialis Patrum, suppleto, quatenus opus sit, quorum intersit vel sua interesse praesumant, consensu, de Apostolicae potestatis plenitudine, a dioecesi Amazonensi avellimus territorium, complectens paroeciam de *Humaytà* et civitatem *Porto Velho*, atque a dioecesi Sancti Aloysii de *Caceres* separamus territorium municipii civilis Sancti Antonii de *Madeira*

atque utrumque territorium ita avulsum in Praelaturam, *Portus Veteris* nuncupandam, erigimus atque constituimus, decernentes insimul ut haec Praelatura, usque dum aliter de ea disponere visum fuerit, ad omnes iuris effectus sit vere et proprie *nullius* dioecesis atque metropolitanae Ecclesiae Belemensis de Para eiusque Archiepiscopo pro tempore, tamquam suffraganea sit subiecta.

Huius autem Praelaturae fines constituentur iisdem finibus, quibus memoratae paroeciae et civile municipium Sancti Antonii de *Madeira* ab Amazonensi et Sancti Aloysii de *Caceres* dioecesibus separantur.

Sedem autem Praelaturae Portus Veteris in ipso oppido, a quo nomen mutuatur, statuimus: et ecclesiam ibidem exstantem in praelatitiam constituimus, ad instar episcopalis dignitatis, pro uno Praelato *nullius* dioecesis, cum iuribus, officiis, mensa et Capitulo, honoribus et privilegiis quibus similes Praelati et praelatitiae Ecclesiae in Brasilia gaudent. Ut vero Praelatus in suo territorio omnes sui muneris partes adamussim explere valeat, simulque omnia munera obire quae Episcopi in suis dioecesibus, statuimus ut Praelatus idem caractere ac dignitate episcopali exornatus sit; eidem idcirco, simul cum Praelatura, titulus episcopalis ex praescripto Nostri et Successorum Nostrorum erit necessario conferendus, ideoque in suo territorio eandem tum ordinis, tum iurisdictionis exercebit potestatem, quam Episcopi in propriis dioecesibus, quorum etiam legibus et officiis Praelatus adstringetur.

Praeterea quae in Apostolicis sub plumbo Litteris diei vigesimae septimae aprilis anni millesimi octingentesimi nonagesimi secundi, quarum initium *Ad universas orbis ecclesias*, constituenda disponuntur de novarum diocesium in Brasiliana Republica honoribus, privilegiis et indultis, de novorum Episcoporum potestate et attributionibus, de Capituli institutione ac Seminarii regimine et administratione, de ipsorum denique christifidelium et clericorum iuribus et muniis, de documentorum traditione, aliisque id genus, omnia, congrua congruis referendo, religiose, sacris tectis dispositionibus Codicis iuris canonici et decretis Concilii Plenarii Americae Latinae, quoad novam Praelaturam, erunt servanda.

In dotem autem ipsius Praelaturae assignamus et attribuimus bona, si quae sint, et redditus ecclesiae in Praelatitiam erigendae; item oblationes, subsidia et dona quaecumque, quae titulo gratuito ad hoc conferuntur.

Statuimus demum ut iuxta ea, quae in praefato Concilio plenario Americae Latinae, Romae anno millesimo octingentesimo nonagesimo nono celebrato, decreta sunt, etiam ab hac neo-erecta Praelatura *nullius*, eiusque sumptibus, bini delecti iuvenes ad Collegium Pium Latinum Americanum de Urbe, non intermissa vice, mittantur, in quo in spem Ecclesiae instituan-

tur. Quo vero stabilius et horum clericorum sustentationi et Collegii dotationi sit provisum, maxime peroptamus ut, huius Praelaturae Praesulum pro tempore cura et studio, quam citius fieri poterit, tot conferantur bona quot requiruntur, ut ex eorum redditibus duo praedicti alumni, aut modo saltem unus, sustentari queant.

Quae autem hisce Litteris, Apostolica auctoritate, a Nobis decreta sunt, nulli hominum, ullo unquam tempore, infringere aut iis repugnare, vel quomodolibet contraire liceat. Si quis, quod Deus avertat, hoc attentare praesumpserit, sciat obnoxium se evasurum esse poenis a sacris canonibus contra obstantes exercitio ecclesiasticae iurisdictionis statutis.

Ad haec autem omnia executioni mandanda deputamus venerabilem fratrem Henricum Gasparri, Archiepiscopum titularem Sebastensem et in Brasilia Apostolicum Nuntium, eique necessarias huic negotio facultates tribuimus, etiam subdelegandi alium virum, in ecclesiastica dignitate constitutum, ac definitive sententiam dicendi de quavis occurrente difficultate, vel oppositione, in executionis actu quomodolibet oritura, imposito onere ad Sacram Congregationem Consistorialem, infra sex menses a data praesentium Litterarum, authenticum exemplar peractae executionis transmittendi. Decernimus denique has praesentes Litteras valituras, contrariis quibuslibet, etiam peculiari et expressa mentione dignis, minime obstantibus.

Datum Romae apud Sanctum Petrum, anno Domini millesimo nongentesimo vigesimo quinto, die prima mensis maii, Pontificatus Nostri anno quarto.

O. CARD. CAGIANO,
S. R. E. Cancellarius.

✠ C. CARD. DE LAI, Episc. Sabinen.,
S. C. Consistorialis Secretarius.

Dominicus Spolverini, *Protonotarius Apostolicus*.
Dominicus Jorio, *Protonotarius Apostolicus*.

Loco ✠ Plumbi.

Reg. in Canc. Apost. vol. XXX, n. 17.

III

FLUMINIS NIGRI

EVECTIO IN PRAELATURAM « NULLIUS »

PIUS EPISCOPUS

SERVUS SERVORUM DEI

AD PERPETUAM REI MEMORIAM

Christianae religionis incremento ac animarum saluti valde prodest rectas atque opportunas in orbe catholico circumscriptiones statuere. Propterea Romani Pontifices Praedecessores Nostri maxima semper diligentia curaverunt ut circumscriptiones ipsae rerum et locorum condicionibus apte responderent, novas ad hoc erigendo dioeceses quum id spirituale fidelium bonum expostularet.

Quum itaque in praefectura Apostolica *Fluminis Nigri*, in Brasilia, christiana religio, tractu temporis, favente Deo, in eum statum feliciter pervenerit ut regio illa iam locus missionis considerari nequeat, ab Apostolica Sede expostulatum est ut regio ipsa, si non in dioecesim, modo saltem in Praelaturam *nullius* erigeretur. Nos autem, omnibus mature perpensis, hisce precibus annuendum esse censuimus.

Hinc, de consulto venerabilium fratrum Nostrorum S. R. E. Cardinalium Sacrae Congregationi Consistoriali praepositorum, potestate quoque utentes Sanctae Sedi reservata in Apostolicis sub plumbo Litteris datis die vigesima septima mensis aprilis anno millesimo octingentesimo nonagesimo secundo, libere novam ineundi in Brasilia diocesium circumscriptionem quoties id opportunum visum fuerit, audito et suffragante Apostolico Nuntio, ac suppleto, quatenus opus sit, quorum intersit vel sua interesse praesumant, consensu, memoratam Praefecturam *Fluminis Nigri* Apostolicam, usque dum in dioecesim erigi queat, in Praelaturam *nullius* Apostolica auctoritate constituimus, *Fluminis Nigri* pariter appellandam, simul decernentes ut haec Praelatura, donec de ea aliter disponere visum fuerit, ad omnes iuris effectus sit vere et proprie *nullius* dioecesis, atque archidioecesi Belemensi de Para eiusque Archiepiscopo pro tempore uti suffraganea subiecta. Huius autem Praelaturae fines iidem erunt, quibus hucusque Apostolica Praefectura circumscribebatur.

Praeterea viro ad haec exsequenda, infra designando, potestatem facimus ut oppidum magis opportunum designet, in quo huius Praelaturae

sedes constituatur, ibique ecclesiam aptiorem seligat in praelatitiam ecclesiam pariter constituendam: quibus sedi et ecclesiae Nos omnia iura et privilegia concedimus, quibus civitates et ecclesiae episcopales in Brasilia gaudent. Item in eadem ecclesia instituimus sedem et dignitatem praelatitiam, ad instar episcopalis dignitatis, pro uno Praelato *nullius* dioecesis, qui ipsi ecclesiae et praelaturae praeerit, cum iuribus, officiis, mensa, honoribus et privilegiis, quibus Ecclesiarum Praesules in Brasilia fruuntur, iis dumtaxat exceptis, quae ex peculiari indulto vel ex iure ad Episcopos tantum pertinent. Ut vero Praelatus omnia munera sua explere possit, quae Episcopi in suis dioecesibus, statuimus ut Praelatus ipse caractere et dignitate episcopali sit insignitus, iubentes propterea ut ipsi, una cum Praelatura, titulus episcopalis conferatur.

Quae autem in memoratis Litteris diei vigesimae septimae mensis aprilis anni millesimi octingentesimi nonagesimi secundi hac de re disponuntur, religiose servari pariter iubemus, iuxta canones Codicis iuris canonici et decreta Concilii Plenarii Americae Latinae.

Huius vero Praelaturae dotationi, pro divini cultus expensis aliisque necessitatibus, attribuimus et assignamus bona iam a Praefecto Apostolico collecta aliaque, quae in futurum colligi datum fuerit, quaeque nomini ipsius Praelaturae quam citius inscribenda erunt.

Statuimus demum ut, iuxta quae in praefato Concilio Plenario Americae Latinae decreta sunt, etiam a modo erecta Praelatura *nullius*, eiusque sumptibus alendi, ubi primum fieri poterit, bini delecti iuvenes ad Collegium Pium Latinum Americanum de Urbe, non intermissa vice, mittantur, ut ibi in spem Ecclesiae instituantur. Quo vero stabilius et horum clericorum sustentationi et Collegii dotationi sit provisum, vehementer exoptamus ut, huius Praelaturae Praesulum pro tempore cura et studio, quam citius fieri poterit, tet conferantur bona, quot requiruntur, ut ex eorum reditibus duo praedicti alumni, aut modo saltem unus, sustentari queant.

Hisce itaque ut supra dispositis, ad eadem omnia executioni mandanda deputamus venerabilem fratrem Henricum Gasparri, Archiepiscopum titularem Sebastensem ac in Brasiliana Republica Apostolicum Nuntium, cui propterea tribuimus necessarias et opportunas facultates, etiam subdelegandi, ad effectum de quo agitur, quemlibet virum in ecclesiastica dignitate constitutum, ac definitive sententiam dicendi de quavis occurrente difficultate vel oppositione, cum onere transmittendi ad Sacram Congregationem Consistorialem, infra sex menses a praesentibus Litteris acceptis computandos, fidem, authentica forma exaratam, peractae executionis.

Volumus denique ut harum Litterarum transumptis, etiam impressis, manu tamen alicuius Notarii publici subscriptis et sigillo alicuius viri in

ecclesiastica dignitate constituti munitis, eadem prorsus tribuatur fides quae hisce Litteris tribueretur si originaliter exhibitae vel ostensae forent.

Non obstantibus regulis in synodalibus, provincialibus, generalibus, universalibusque Conciliis editis, specialibus vel generalibus constitutionibus et ordinationibus Apostolicis, et quibusvis aliis Romanorum Pontificum Praedecessorum Nostrorum dispositionibus, ceterisque contrariis quibuscumque.

Nemini autem has Litteras erectionis, evectionis, concessionis, statuti, derogationis, mandati et voluntatis Nostrae infringere vel eis contraire liceat. Si quis vero, temerario ausu, hoc attentare praesumpserit, indignationem omnipotentis Dei ac Sanctorum Petri et Pauli, Apostolorum Eius, se noverit incursum.

Datum Romae apud Sanctum Petrum, anno Domini millesimo non-gentesimo vigesimoquinto, die prima mensis maii, Pontificatus Nostri anno quarto.

O. CARD. CAGIANO,
S. R. E. Cancellarius.

✠ C. CARD. DE LAI, Episc. Sabinen.,
S. C. Consistorialis Secretarius.

Dominicus Spolverini, *Protonotarius Apostolicus*.

Dominicus Jorio, *Protonotarius Apostolicus*.

Loco ✠ Plumbi.

Reg. in Canc. Apost., vol. XXX, n. 48.

IV

MEDIOLANEN. ET PAPIEN.

DISMEMBRATIONIS ET UNIONIS

PIUS EPISCOPUS

SERVUS SERVORUM DEI

AD PERPETUAM REI MEMORIAM

Vertit in animarum bonum ut paroeciae, quae ab habituali sui Ordinarii residentia distant, proximae autem sunt alterius Episcopi civitati, illi tribuantur, qui proximior adiacet.

Qua de causa, quum paroeciae vicariatus ecclesiastici nuncupati *Chignolo Po* longe sint a civitate Mediolano, imo a ceteris illius dioecesis paroeciis seiunctae et vicissim finitimae prorsus civitati et dioecesi Papiensi; Nos, consentientibus, imo et rogantibus, Ordinariis Mediolanensi et Papiensi,

per has praesentes Litteras omnes et singulas paroecias memorati vicariatus *Chignolo Po* distrahimus a dioecesi Mediolanensi et Papiensi dioecesi coniungimus et unimus.

Vicissim vero, cum quaedam pars territorii fractionis civilis, cui nomen *Cascina bianca di Spirago*, intra fines exsistat dioecesis Papiensis, dum contra expediret ut adiceretur parochia Mediolanensi fractionis illius, de consensu utriusque Ordinarii Mediolanensis et Papiensis, ad quamlibet futuram controversiam praecavendam et ad melius ordinandos utriusque dioecesis fines, per easdem praesentes Litteras memoratam partem territorii et fractionis civilis distrahimus a dioecesi Papiensi et adiungimus dioecesi Mediolanensi atque tribuimus parochia loci *Cascina bianca di Spirago*, contrariis quibuslibet minime obstantibus.

Quae autem hisce Litteris, Apostolica auctoritate, a Nobis decreta sunt, nulli hominum, ullo unquam tempore, infringere, aut iis repugnare vel quomodolibet contraire liceat. Si quis, quod Deus avertat, hoc attentare praesumpserit, sciat obnoxium se evasurum esse poenis a sacris canonibus contra obsistentes exercitio ecclesiasticae iurisdictionis statutis.

Ad haec autem omnia executioni mandanda deputamus venerabilem fratrem Nostrum Eugenium, tituli SS. Silvestri et Martini in Montibus, S. R. E. Cardinalem Tosi, hodiernum Archiepiscopum Mediolanensem, eidem necessarias et opportunas huic negotio facultates tribuentes, etiam subdelegandi alium virum in ecclesiastica dignitate constitutum, ac definitive sententiam dicendi de quavis occurrente difficultate, vel oppositione, imposito onere ad Sacram Congregationem Consistorialem, infra sex menses, a subsignata die computandos, fidem authentica forma exaratam absolutae executionis huius Nostri mandati transmittendi. Decernimus denique has praesentes Litteras valituras, contrariis quibuslibet, etiam peculiari et expressa mentione dignis, minime obstantibus.

Datum Romae apud Sanctum Petrum, anno Domini millesimo non-gentesimo vigesimo quinto, die decima mensis iunii, Pontificatus Nostri anno quarto.

O. CARD. CAGIANO,
S. R. E. Cancellarius.

✠ C. CARD. DE LAI, Episc. Sabinen.,
S. C. Consistorialis Secretarius.

Iosep̃h Wilpert, *Decanus Coll. Proton. Apost.*
Ioannes Zani-Caprelli, *Proton. Apost.*

Lecco ✠ Plumbi.

LITTERAE APOSTOLICAE

I

TITULUS ET PRIVILEGIA BASILICAE MINORIS COLLATA ECCLESIAE S. VICTORIS MAURI, MARTYRIS, IN OPPIDO « VARESE », ARCHIDIOECESIS MEDIOLANENSIS.

PIUS PP. XI

Ad perpetuam rei memoriam. — Inter vetustissima sanctuaria, quibus archidioecesis Mediolanensis nobilitatur, iure meritoque accensenda est insignis ecclesia in civitate Varisiensi Deo dicata in honorem Sancti Victoris Martyris, qui, natione Maurus et a primaeva aetate christianus, cum esset in castris imperialibus miles, iubente Maximiano ut idolis sacrificaret, in confessione Domini fortiter perseverans, Mediolani gloriosissimo martyrio vitae cursum complevit. Haec enim sacra aedes, conspicuis artis operibus ornata, pretiosa suppellectili referta et sanctorum lipsanis locuples, singularem etiam privilegiis ex Romanorum Pontificum decessorum Nostrorum benignis atque iteratis concessionibus pollet. Quare, cum nuper Purpuratus S. R. E. Princeps Eugenius Tosi, Mediolanensium Archiepiscopus, vota exprimens cleri populiue civitatis Varisiensi, Nos rogaverit ut ipsi ecclesiae titulum ac privilegia Basilicae minoris de Nostra Apostolica venia largiri dignemur, Nos, tam illustres veteris illius templi memorias animo repetentes, optatis his annuendum ultro libenterque existimavimus. Itaque, audito venerabili fratre Nostro Antonio S. R. E. Cardinali Vico, Episcopo Portuensi et S. Rufinae, sacrorum Rituum Congregationi Praefecto, ecclesiam in honorem Sancti Victoris Martyris, sitam in civitate Varisiensi, archidioecesis Mediolanensis intra fines, apostolica Nostra auctoritate, iuxta decretum S. R. C. 2744 diei 27 augusti 1836, titulo, honoribus ac privilegiis Basilicae minoris perpetuum in modum condecoramus.

Decernentes praesentes Litteras firmas, validas atque efficaces semper exstare ac permanere, suosque plenos atque integros effectus sortiri atque obtinere, illisque ad quos pertinent sive pertinere poterunt amplissime suffragari; sicque rite iudicandum esse ac definiendum, irritumque ex nunc et inane fieri, si quidquam secus, super his, a quovis, auctoritate qualibet, scienter sive ignoranter, attentari contigerit. Non obstantibus contrariis quibuscumque.

Datum Romae apud Sanctum Petrum, sub anulo Piscatoris, die III mensis iulii anno MDCCCXXV, Pontificatus Nostri quarto.

P. CARD. GASPARRI, *a Secretis Status*.

II

ECCLESIA CATHEDRALIS SPIRENSIS, IN HONOREM BEATAE MARIAE VIRGINIS
SIDERIBUS RECEPTAE, TITULO AC PRIVILEGIIS BASILICAE MINORIS CON-
DECORATUR.

PIUS PP. XI

Ad perpetuam rei memoriam. — Satis constat Spirensē cathedralem aedem inter potiora ac vetustiora Bavariae sanctuaria iure meritoque esse accensendam. Uti fertur, enim, ibi, iam inde ab anno reparaatae salutis DCXX, iussu Dagoberti primi Regis ex stirpe Merovingiorum, surrexit ecclesia in honorem Virginis et divi Stephani Protomartyris Deo dicata ab Athanasio, primo Spirensium Episcopo. Quattuor post saecula, anno videlicet MXXX, fatiscētis huius ecclesiae loco Conradus Salicus Imperator a fundamentis erigendum curavit ingens templum structura mirandum, quod adhuc superest perenne pietatis ac munificentiae monumentum. Praenobile hoc templum, Deo sacrum in honorem Virginis sideribus receptae, a Germanis Imperatoribus novis et quidem insignibus artis operibus excultum, a Romanis Pontificibus decessoribus Nostris singularibus privilegiis auctum, iam a divo Bernardo celebratum et Sanctorum reliquiis illustre, iugiter per saecula antiqua populorum erga Virginem devotione floruit innumerasque peregre confluentium turmas excepit. Spirensis Capituli canonici, sanctorum Antistitum vestigiis haerentes, pietate non minus quam doctrina praestiterunt, et gravissimis temporibus ab haereticorum lue Ecclesiam suam incolumen servarunt. Denique meminisse iuvat in eodem templo marmoreis sepulcris condita octo Imperatorum corpora immutationem expectare, et Germaniae Apostolum Canisium, nuper Sanctorum caelitum per Nos honoribus auctum, saepius idem ad templum venisse ut caelestis Reginae opem enixis precibus imploraret. Haec animo repetentes, cum venerabilis frater Noster Ludovicus Sebastian, Episcopus Spirensium, suo et Capitularium omnium nomine, Nos efflagitaverit ut ecclesiam eandem ad Basilicae minoris dignitatem evehere dignemur, optatis his annuendum ultro libenterque existimavimus. Quamobrem, audito venerabili fratre Nostro Antonio S. R. E. Cardinali Vico, Episcopo Portuensi et Sanctae Rufinae, sacrorum Rituum Congregationi Praefecto, apostolica Nostra auctoritate, praesentium vi perpetuumque in modum, cathedralem ecclesiam dioecesis Spirensis in honorem Assumptionis B. M. V., condecoramus titulo, privilegiis et honorificentis Basilicae minoris, prout haec declarantur in decreto S. R. C. 2744, *Lucerina*, diei 27 augusti 1836.

Haec concedimus, statuimus, decernentes praesentes Litteras firmas, validas atque efficaces semper exstare ac permanere, suosque plenos atque integros effectus sortiri atque obtinere, illisque, ad quos pertinent, sive pertinere poterunt amplissime suffragari; sicque rite iudicandum esse ac definiendum, irritumque ex nunc et inane fieri si quidquam secus super his, a quoquam, auctoritate qualibet, scienter vel ignoranter attentari contigerit. Contrariis non obstantibus quibuscumque.

Datum Romae apud Sanctum Petrum, sub anulo Piscatoris, die v mensis iulii anno MDCCCXXV, Pontificatus Nostri quarto.

P. CARD. GASPARRI, a Secretis Status.

EPISTOLAE

I

AD E.MUM P. D. LUDOVICUM HENRICUM, TITULO SANCTAE MARIAE NOVAE, S. R. E. PRESB. CARD. LUÇON, ARCHIEPISCOPUM RHEMENSEM, QUEM LEGATUM MITTIT PARISIOS SOLLEMNIBUS, QUINQUAGESIMO EXEUNTE ANNO AB INSTITUTO CATHOLICO PARISIENSI CONDITO, CELEBRANDIS.

Dilecte fili Noster, salutem et apostolicam benedictionem. — Si, per hos paucos, quos usque adhuc traduximus, in Summo Pontificatu annos Instituto Catholico Parisiensi haud obscuras plus semel dedimus benevolentiae Nostrae significationes, at minime quidem illius Rectori et doctoribus in praesenti, cum quinquagesimum Instituti sui natalem acturi sunt, praeconia et incitamenta a Nobis deesse patiemur. Etenim, ex quo, bene precante sanctae et immortalis memoriae Pio Pp. IX, satis multi Galliae Antistites, ea usi libertate quae tandem aliquando sibi legitime data esset, Athenaeum illud altioribus disciplinis tradendis, divina freti Providentia, Parisiis condiderunt, iam tum profecto, quod ad provehenda saluberrimi Instituti incrementa pertineret, nec liberale unquam patrocini-um proximorum decessorum Nostrorum desideratum est, nec rectorum magistrorumque sedulitas ac navitas ullo tempore defecit. Porro studii iuris, litterarum optimarumque artium ante constitutis, brevi post doctrinae de divinis rebus praeceptio accessit, quae ceteras disciplinas non tam, periculo de recta via deflectendi amoto, gubernaret, quam in tuitionem catholicae veritatis advocatas adhiberet. Neque ignoramus, quotquot Athenaeo Parisiensi ad hunc diem aut praesides aut magistri dati sunt — in horum-

que numero fuit olim Cardinalis adiutor Noster a publicis Ecclesiae negotiis —, consiliis eos optatisque Apostolicae Sedis praecipua quadam voluntatis consensione esse perpetuo obsecutos. Iidem enim Thomam Aquinatem sic ducem sequi, ut eius doctrinam, quasi postliminio reversam, non modo clerus vester, sed etiam ex intellegendis laicis plurimi degustarint ac teneant; a legibus de Scripturae Sacrae studio et explanatione latis ne transversum quidem unguem discedere; studia, quae socialia vocant, exercere et doctrinas de rerum natura ea colere pervestigatione, ut liquido pateret, nullam inter fidem germanaeque scientiae rationem posse discrepantiam discidiumque consistere; sermonem patrium ad veterum praestantissimorumque scriptorum exempla componere ac restituere; sacerdotes et laicos sane plurimos ad ecclesiastica et civilia munia efficere aptissimos. Quae quidem omnia cum Nobis suadeant, ut agnoscamus profiteamurque, moderatores et magistros Instituti Parisiensis, libris quoque gravissimis editis, hoc decies quinquennali spatio, magno fructui Ecclesiae populoque Gallico fuisse, tum etiam faciunt ut Nobis spondeamus ac polliceamur, haud minores posthac ab Athenaeo utilitates profecturas esse. Tuas igitur, dilecte fili Noster, has esse partes volumus, ut sententiam eiusmodi omenque Nostrum publice aperias in sollemni fausti eventus commemoratione propediem Parisiis habenda: quam quidem celebritatem ut nobilitemus atque augeamus, placet te, Purpuratorum e Gallia, qui nunc sunt, Patrum aetate ac dignitate seniore, Legatum Nostrum deligere ac renuntiare, qui, Nostram gerens personam Nostramque afferens gratulationem, iisdem sollemnibus praesideas. Ex hoc autem amplissimo propensae voluntatis Nostrae testimonio concipiant omnes, quanti Athenaeum Catholicum Parisiense faciamus quamvis vehementer optemus ut cotidie magis crescat idem ac floreat. Caelestium interea gratiarum auspicem paternaeque benevolentiae Nostrae testem, tibi, dilecte fili Noster, et universis Instituti moderatoribus, magistris atque alumniis, apostolicam benedictionem peramanter in Domino impertimus.

Datum Romae apud Sanctum Petrum, die XXVIII mensis octobris, anno sacro MDCCCXXV, Pontificatus Nostri quarto.

PIUS PP. XI

II

AD R. P. D. IOANNEM FRANCISCUM ARAGONE, ARCHIEPISCOPUM MONTIS-VIDEI, CENTESIMO VERTENTE ANNO A CONDITA REPUBLICA.

Venerabilis frater, salutem et apostolicam benedictionem. — Centesimo vertente anno postquam respublica ista sui iuris esse coepit, quemadmodum et gubernatores et cives decet eventum sibi prorsus laetabile feriis publicis recolere, sic debet Ecclesia, hanc nacta opportunitatem, ad Deum, omnium auctorem bonorum, gratos eorundem christifidelium revocare animos, ut, quo tempore terrenam patriam libertatis donum adeptam commemorant, eo ipso tempore acrius ad caelestem patriam mentis oculos convertant et saluti quisque suae diligentius prospiciant. Quae igitur scribis te consilia inivisse, ut eiusmodi libertatis immunitatisque vestrae celebratio saecularis, per annum agenda, in spiritualem gregis utilitatem recidat demum ac redundet, ea, cum sint ad rem summopere conducibilia, laudem tibi, venerabilis frater, gratulationemque Nostram pariunt merito ac comparant. Mirum enim quantum ad fidei in populo confirmationem emendationemque morum conferent ac proderunt cum sacrae illae expeditiones, quas, per omnes paroecias urbanas et rusticas, a te undique acciti religiosi viri, facultate dicendi et copia praestantissimi, obituri sunt, tum sollemnia illa, quae in templis, statis per annum diebus, a curionibus rectoribusve peragi iussisti, tum maxime mense decembri habenda, christianae disciplinae moderatrix, dioecesis Synodus, quam ab ipsis reipublicae primordiis usque adhuc decessoribus tuis tibi que agere, ob inexplorabilia impedimenta, non licuit. Coeptis interea tuis, ut copiosos ferant sanctitatis fructus, bene, uti postulas, precamur; potissimum vero, quotquot in Synodum legitime, consiliorum tibi socii adiutoresque, convenient, iis universis caelestis sapientiae munera implorando cupimus atque optamus. Quorum quidem auspicem paternaeque caritatis Nostrae testem, tibi, venerabilis frater, et clero populoque tuo apostolicam benedictionem amantissime impertimus.

Datum Romae apud Sanctum Petrum, die xxx mensis octobris, anno sacro MDCCCXXV, Pontificatus Nostri quarto.

PIUS PP. XI

III

AD R. P. D. IOSEPHUM RUMEAU, EPISCOPUM ANDEGAVENSEM: QUINQUAGESIMO ANNO A CATHOLICA ANDEGAVENSI STUDIORUM UNIVERSITATE CONDITA FELICITER EXPLETO.

Venerabilis frater, salutem et apostolicam benedictionem. — Epistulam hanc tibi Nostram inscribendo, eadem profecto animi voluptate fruimur, qua affecti tum sumus, cum, adventante quinquagesimo Instituti Catholici Parisiensis et Athenaei Lugdunensis natali, utriusque in Ecclesiam inque Galliam promerita recolere et talem eventui faustitatem gratulatione quoque Nostra augere et ornare voluimus. Causa enim prorsus similis agitur, cum idem annorum numerus ab ortu Catholicae istius vestrae Studiorum Universitatis decurrerit, et copia fructuum sane haud minor gregi tuo finitimarumque diocesium populo ex recte traditis ibidem altioribus disciplinis obvenit. Est item commemorandum, rectores ac magistros Athenaei vestri, perinde ac Parisienses et Lugdunenses conlegas, saniores doctrinas usque adhuc tenuisse mordicus et strenue tutatos esse, atque in docendo quasi quiddam sacrum sibi habuisse propositum, nedum pretio quaestuque ducti aliquando sint. At vero in praeclaram istam optimarum artium sedem — quod est omnino ipsius proprium — parentis conditorisque sui Caroli Aemilii Freppel fama et gloria veluti redundat: illius, inquit, et disertis et animosis decessoris in episcopatu tui, qui, vixdum data per legem venia, rem primus pauloque ante alios inchoavit. In quo is adiutores sociosque nactus est feliciter, ut non tam patronos quam conditores dicere liceat, istarum regionum, quae in occidentem vergunt, Archiepiscopos atque Episcopos bene multos; quorum in locum quicumque aut antehac successerunt aut successuri in posterum sunt sacrorum Antistites, ii omnes, ex parto sibi iure atque officio, Andegavense Athenaeum patrocinio item suo tueri pergunt. Non est cur uberius fusiusque Athenaei laudes exsequamur, quas comprobavit quidem consecravique praeteritum hoc quinquaginta annorum intervallum. Illud unum videtur esse reliquum, ut cum tibi, venerabilis frater, et rectori doctoribusque istis ingentem gratulemur eorum numerum, quos istinc, lauream facto periculo adeptos, ad ecclesiastica quaelibet et civilia munera ad invandamque quoquo pacto rem catholicam aptissimos dimisistis, tum christifideles, qui vobis opitulari consueverunt, moneamus, Athenaei fortunam non tam, largitate sua, stabilem immutatamque conservent, quam cotidie magis provehant atque amplificent. Per ea vero, quae ad hunc quin-

quagesimum Athenaei natalem celebrandum acturi estis, sollemnia, laetitiam vestram, caelestium conciliatione munerum, plenior efficiat apostolica benedictio, quam, paternae caritatis Nostrae testem, tibi, venerabilis frater, itemque Catholicae istius studiorum Universitatis rectori, magistris atque alumni peramanter in Domino impertimus.

Datum Romae apud Sanctum Petrum, die I mensis novembris, anno sacro MDCCCXXV, Pontificatus Nostri quarto.

PIUS PP. XI

IV

AD R. D. ALBERTUM LUCAS, SUMMUM MODERATOREM SODALITATIS A IESU ET MARIA: CENTESIMO EXEUNTE ANNO A SODALITATE FELICITER RESTITUTA.

Dilecte fili, salutem et apostolicam benedictionem. — Laetamur equidem, id Nobis anno hoc sacro obtigisse, ut Ioannem Eudes, Sodalitatis vestrae Conditorum Patremque legiferum, in sanctorum caelorum numerum referremus. In quo qualis vitae sanctitas, per assiduam frugiferamque sacri ministerii et apostolatus exercitationem, enituerit; quo idem studio Cordium sanctissimorum Iesu et Mariae cultum et primus in ecclesiasticam liturgiam induxerit et, quoad vixit, latissime propagavit; quam praeclaras Ecclesiae Dei utilitates attulerit per duas illas a se constitutas Sodalitates, alteram religiosorum virorum, cui ipse hodie praees, clero rite instituendo et fidei popularium sacris expeditionibus excitandae, alteram religiosarum mulierum, quarum esset, praeter alia, malas feminas ad honestam vitae rationem revocare: haec quidem omnia si proximi decessores Nostri publice memorarunt, at Nosmet multo quidem uberius declaravimus non tam in Homilia a Nobis die festo Pentecostes hoc anno habita, quam in Decretalibus Litteris eo ipso die datis. Placet interea, pro veneratione qua Conditorum vestrum et benevolentia qua vos, optimos eius filios, prosequimur, centesimo iam exeunte anno a Sodalitate, post eversionem illam Galliae turbulentissimam, feliciter restituta, hanc nancisci opportunitatem, ut per has Litteras Nostras, rei faustitate aucta, et vobis gratificemur et laetitiam vestram participemus. Eventum quidem occurrit memoratu dignissimum. Cum enim, initio superioris saeculi, Congregatio vestra esset paene intermortua, e sodalium numero aliis per eam rerum perturbationem caesis, aliis vita functis, iisque paucissimis, qui adhuc exstabant, dissociatis dissipatisque, divinae Providentiae consilio factum est, ut, die IX mensis ianuarii anni MDCCCXXVI, superstites pristinae Sodali-

tati religiosi viri quinque, moderatore generali sibi delecto, in familiam coirent, edicendo, Congregationem a Ioanne Eudes conditam iam tum revixisse et restitutam esse. Itaque iam tum revera coepit Sodalitas a Iesu et Maria ad veteris gloriae spem - etsi, ut ita dicamus, aliquanto lentius tardiusque - revirescere; redintegratis autem, quantum pro temporum rerumque asperitate licuit, operibus vestris, in Americae praeterea regiones, quae ad septentrionem meridiemve spectant, traiecistis, ubi dioecesium quindecim clericos in Seminariis sancte conformandos suscepistis. Est igitur, cur, laeto gratoque in Deum animo, restitutam centesimo ante anno Congregationem vestram sollemniter commemoretis; ipsa vero saluberrimorum recordatio fructuum, quos, hoc temporis spatio, in clero populoque christiano cepistis, ominamur confidimusque fore ut vos ad maiora excitet atque ad aemulandas sancti Ioannis Eudes virtutes praecipuo quodam modo impellat, exacuat. Quod ut prospere succedat, caelestium conciliatricem gratiarum paternaeque caritatis Nostrae testem, tibi, dilecte fili, et sodalibus omnibus tuae gubernationi concreditae apostolicam benedictionem peramanter impertimus.

Datum Romae apud Sanctum Petrum, die VII mensis novembris, anno sacro MDCCCXXV, Pontificatus Nostri quarto.

PIUS PP. XI

V

AD RR. PP. ELIAM MAGENNIS, PRIOREM GENERALEM CARMELITARUM VETERUM, ET GULIELMUM A S. ALBERTO, PRAEPOSITUM GENERALEM CARMELITARUM EXCALCEATORUM: SEPTIMO PLENO SAECULO A CONDITA CARMELITICA REGULA.

Dilecti filii, salutem et apostolicam benedictionem. — Dilaudandi profecto estis ob initum a vobis consilium recolendi, die tricesimo mensis ianuarii, proximo anno, septimi pleni saeculi, ex quo Regulam a Patriarcha Hierosolymitano Alberto solitariis viris datam, qui « iuxta fontem in monte Carmeli », duce Brocardo, ad vitae perfectionem contenderent, decessor Noster Honorius III Apostolica auctoritate ratam firmamque esse iussit. Cum enim approbationem legis eiusmodi, per saeculorum decursum perpetuo apud vos in honore habitae, quibus decet pietatis laetitiaeque testimoniis commemorabitis, quid aliud agetis, nisi grata eam legem voluntate praedicabitis, unde veteres omnes recentesque Carmelitarum laudes nostis esse profectas? Ex ipsa sane rei natura ac diuturna experientia liquido constat, religiosorum utriusque sexus Ordines ac Sodalitates tum

maxime florere, cum suam cuiusque Regulam, caput sibi et fontem sanctitatis optimarumque omnium rerum effectricem, inviolata observatione tenent ac sequuntur. Atque id ipsum vobis sollemne fuisse, cognoscere a fructibus licet, quos Carmelitica familia, quasi arbor suco imbuta atque alta purissimo, ex se edidit, Ecclesiae hominumque consortioni perutiles. Namque est memoriae proditum, parvis ortam initiis, per Europae regiones eam brevi propagatam esse, et, quia rami inde exstiterunt, quorum unus tantummodo est reliquus, non idcirco alterum alterius incrementa aut praepedisse aut esse inoratum. Maxima quidem vobis damna, ut ceteris Sodalitatibus, Gallica illa rerum eversio peperit, quae visa est velle – inani tamen conatu et molimento – catholicam religionem ex animis hominum extirpare radicitus; mox nocuere rerum publicarum gubernatores, qui, sumpto sibi adrogatoque spoliandae Ecclesiae iure, religiosos viros sacrasque virgines de coenobiis deque fortunis omnibus deturbarunt. At profecto est cur Carmeliticam familiam non tam restitutam quam latissime per terrarum orbem in praesenti diffusam vobis summo-pere gratulemur: quae quidem familia longum est dicere quantum utilitatis et commodi, per officia precum perque suam vitae rationem, cum in meditatione ac contemplatione divinarum rerum, tum in sacri exercitatione ministerii positam, rei catholicae praebeat. Atque huc opportune incidit mentio studiosae illius sedulitatis, qua sodales vestri in sacris expeditionibus, superioribus aetatibus, versati sunt hodieque versantur. Itaque vobis cupimus, ut saecularis haec sanctissimae legis, qua utimini, commemoratio cum veteris gloriae renovatione coniungatur. Utinam cotidie magis Carmelitica suboles floreat ac vigeat; det utinam Ecclesiae, quemadmodum antea dedit, insignes sacrarum profanarumque disciplinarum cultores, oratores, missionales, episcopos; ad mysticas, ut aiunt, Teresiae Abulensis et Ioannis a Cruce doctrinas fideles evehat et conformet; candidissimos flores e suo horto in caelum crebrius in dies transferat, ut Mariam Magdalenam de Pazzis, ut Teresiam illam ab Infante Iesu, cui sanctorum caelium honores, hoc anno sacro, tam libenter tantoque cum catholici orbis gaudio, decrevimus ac detulimus. Quibus quidem optatis ominibusque Nostris ut prosperrimus respondeat exitus, adiuvet atque efficiat apostolica benedictio, quam, divinarum gratiarum auspicem paternaeque benevolentiae Nostrae testem, vobis, dilecti filii, et sodalibus universis unicuique vestrum commissis amantissime in Domino impertimus.

Datum Romae apud Sanctum Petrum, die xv mensis novembris anno sacro MDCCCXXV, Pontificatus Nostri quarto.

PIUS PP. XI

ACTA SS. CONGREGATIONUM

SACRA CONGREGATIO CONSISTORIALIS

I

AUGUSTAN.-EISTETTEN.

DE FINIUM DIOECESIUM COMMUTATIONE

DECRETUM

Instantibus incolis villae *Forsthof*, ad paroeciam *Ried*, in dioecesi Augustana, pertinentis, Ordinarius Eistettensis, de consensu Episcopi Augustani, ab Apostolica Sede efflagitavit ut memorata villa a propria paroecia, a qua nimis distat, dismembretur ac proximiori paroeciae loci *Bergen*, dioecesis Eistettensis, incorporetur. Iamvero Ss̃nus Dominus Noster Pius Pp. XI, attento utriusque dioecesis Ordinariorum consensu et habito favorabili voto R. P. D. Alberti Vassallo de Torregrossa, Archiepiscopi tit. Hemesensis ac Nuntii Apostolici in Bavaria, vi praesentis Consistorialis decreti, villam *Forsthof* a paroecia *Ried* et dioecesi Augustana separat atque paroeciae loci *Bergen* ac dioecesi Eistettensi perpetuo adiungit, mutatis hac ratione finibus dioecesim inter Augustanam et Eistettensem.

Ad haec executioni mandanda Ss̃nus Dominus Noster deputare dignatus est eundem R. P. D. Albertum Vassallo de Torregrossa, eidem tribuens necessarias et opportunas facultates, etiam subdelegandi, ad effectum de quo agitur, quamlibet personam in ecclesiastica dignitate constitutam; facto demum onere transmittendi intra sex menses ad hanc Sacram Congregationem Consistorialem authenticum exemplar peractae executionis. Contrariis quibuslibet non obstantibus.

Datum Romae, ex aedibus Sacrae Congregationis Consistorialis, die 24 novembris 1925.

✠ C. CARD. DE LAI, Ep. Sabinen., *Secretarius*.

L. ✠ S.

† Fr. Raphaël C., Archiep. Thessalonicen., *Adessor*.

II

PROVISIO ECCLESIARUM

Ssm̃us Dñus Noster Pius divina Providentia PP. XI, decretis Sacrae Congregationis Consistorialis, has quae sequuntur Ecclesias de proprio singulas Pastore providit, nimirum:

1 septembris 1925. — Titulari archiepiscopali Ecclesiae Adulitanæ praefecit R. P. D. Georgium Matulewicz, hactenus Episcopum Wilnensem.

8 octobris — Metropolitanae Ecclesiae Compostellanae, R. P. D. Iulianum de Diego y Garcia Alcolea, hactenus Patriarcham Indiarum Occidentalium.

29 octobris — Cathedrali Ecclesiae Vapincensi, R. D. Iulium Saliège, Vicarium generalem dioecesis Sancti Flori.

— Titulari episcopali Ecclesiae Flaviopolitanae, R. D. Emmanuelem Coste, quem deputavit Coadiutorem cum iure futurae successionis R. P. D. Pauli Felicis Beauvain de Beauséjour, Episcopi Carcassonnensis.

31 octobris — Titulari episcopali Ecclesiae Scillitanae, R. D. Michaelem Bubnić, Administratorem Apostolicum dioecesis Rosnaviensis.

16 novembris — Titulari archiepiscopali Ecclesiae Darensi, R. P. D. Alfonso Archi, hactenus Episcopum Comensem.

SACRA CONGREGATIO PRO ECCLESIA ORIENTALI

NOMINATIO

Ssm̃us Dominus Noster Pius divina Providentia PP. XI, decreto Sacrae Congregationis pro Ecclesia Orientali, dato die 30 octobris 1925, renunciare dignatus est Vicarium Patriarchatus Antiocheni Graecorum Melchitarum, sede vacante, R. P. D. Maximum Saigh, Archiepiscopum Tyrensem, eiusdem ritus.

ACTA OFFICIORUM

PONTIFICIA COMMISSIO AD CODICIS CANONES AUTHENTICE INTERPRETANDOS

RESPONSA AD PROPOSITA DUBIA

Emi Patres Pontificiae Commissionis ad Codicis canones authentice interpretandos, propositis in plenario coetu quae sequuntur dubiis, responderi mandarunt ut infra ad singula:

I. - *De temporis supputatione*

D. - An ubique terrarum, in casibus canone 33 § 1 expressis, tempus vulgo *zonarium* sequi quis possit.

R. - Affirmative, dummodo hoc tempus sit legale.

II. - *De praecedentia inter Episcopos suffraganeos*

D. - Utrum vi canonis 106, 3º praecedentia inter Episcopos suffraganeos in Concilio provinciali aliisque coetibus provincialibus definienda sit a die praeconizationis seu electionis ad episcopatum, an a die promotionis ad Ecclesiam suffraganeam.

R. - Affirmative ad primam partem, negative ad secundam.

III. - *De collatione beneficiorum*

D. - Utrum in collatione beneficiorum et canonicatum in ecclesiis collegialibus Capitulum, ad normam canonis 403 audiendum, sit cathedrale an collegiale.

R. - Negative ad primam partem, affirmative ad secundam.

IV. - *De praecedentia vicarii foranei*

D. - An vicarius foraneus, qui sit simul canonicus Capituli collegialis in suo districtu, vi canonis 450 § 2 praecedat ceteris canonicis in choro et actibus capitularibus.

R. - Negative.

V. - *De sacris processionibus*

D. - An, secundum canonem 462, 7º et responsum diei 12 novembris 1922, ius parochi publicam processionem extra ecclesiam ducendi exten-

datur etiam ad processiones Religiosorum, licet exemptorum, extra eorum ecclesias et claustra.

R. - Affirmative, firmo tamen praescripto canonum 1291 § 2 et 1293.

VI. - *De admissione Orientalium ad novitiatum*

D. - An in Religionibus latini ritus sine venia, de qua canon 542, 2º, licite admitti possint ad novitiatum Orientales, qui, proprio retento ritu, praeparantur ad constituendas domus et provincias religiosas ritus orientalis.

R. - Affirmative.

VII. - *De reservatione casuum*

D. - 1º Utrum quaevis reservatio, de qua can. 900, sit tantum ratione peccati an etiam ratione censurae.

2º Utrum canon 900 agat de reservatione casuum ab Ordinariis tantum an etiam a Sancta Sede statuta.

R. - Ad 1º Affirmative ad primam partem, negative ad secundam.

Ad 2º Negative ad primam partem, affirmative ad secundam.

VIII. - *De forma celebrationis matrimonii*

D. - Utrum, secundum canonem 1098, ad valide et licite matrimonium coram solis testibus contrahendum sufficiat factum absentiae parochi, an requiratur etiam moralis certitudo, ex notorio vel ex inquisitione, parochum per mensem neque haberi neque adiri posse sine gravi incommodo.

R. - Negative ad primam partem, affirmative ad secundam.

IX. - *De Missa in matrimoniis mixtis*

D. - An canone 1102 § 2 in matrimoniis mixtis, praeter Missam pro sponsis, prohibeatur etiam alia Missa, licet privata.

R. - Affirmative, si haec Missa ex rerum adiunctis haberi possit uti complementum caeremoniae matrimonialis.

X. - *De sepultura ecclesiastica*

D. - An, vi canonis 1240 § 1, 5º ecclesiastica sepultura priventur qui mandaverint suum corpus cremationi tradi et in hac voluntate permanserint usque ad mortem, etiamsi crematio ad normam canonis 1203 § 2 non sequatur.

R. - Affirmative.

Datum Romae, die 10 novembris 1925.

P. CARD. GASPARRI, Praeses.

Ioseph Bruno, Secretarius.

DIARIUM ROMANAE CURIAE

SACRA CONGREGAZIONE DEI RITI

Martedì 10 novembre 1925, presso l'Eremo e Rmo Signor Cardinale Vincenzo Vannutelli, Ponente della Causa di beatificazione o dichiarazione del martirio del Servo di Dio Natale Pinot, Sacerdote secolare, si è tenuta la Congregazione *Antipreparatoria* dei Sacri Riti, nella quale dai Rmi Prelati Officiali e dai Consultori teologi della medesima si è discusso il dubbio se consti del martirio, della causa del martirio e dei segni o prodigi del medesimo Servo di Dio, che si asserisce ucciso in odio alla Fede.

Martedì 17 novembre 1925, nel Palazzo Apostolico Vaticano, con l'intervento degli Eri e Revmi Signori Cardinali e col voto dei Revmi Prelati e dei Consultori teologi, componenti la Sacra Congregazione dei Riti, si è tenuta la Congregazione *Preparatoria* per discutere il dubbio se consti del martirio, della causa del martirio e dei segni o prodigi dei Venerabili Servi di Dio Giovanni Maria du Lau, Arcivescovo di Arles, Francesco Giuseppe de la Rochefoucauld, Vescovo di Beauvais, Pietro Lodovico de la Rochefoucauld, Vescovo di Saintes, e Compagni, uccisi, come si asserisce, in odio alla Fede, a Parigi, nel mese di settembre dell'anno 1792.

Martedì 24 novembre 1925, nel Palazzo Apostolico Vaticano, s'è tenuta la Congregazione *Ordinaria* dei Sacri Riti, nella quale al giudizio degli Eri e Rmi Signori Cardinali componenti la medesima, sono state sottoposte le seguenti materie:

1. Introduzione della Causa di Beatificazione e Canonizzazione del Servo di Dio Ezechiele Moreno Diaz, dell'Ordine degli Eremitani Recolletti di S. Agostino, Vescovo di Pasto.
2. Riassunzione della Causa di Canonizzazione del Beato Giovanni de Ribera, Patriarca d'Antiochia ed Arcivescovo di Valenza.
3. Riassunzione della Causa di Canonizzazione del Beato Vincenzo Maria Strambi, della Congregazione dei Chierici Regolari Scalzi della Santa Croce e Passione di N. S. G. C., Vescovo di Macerata e Tolentino.
4. Riassunzione della Causa di Canonizzazione della Beata Michela del Ssmo Sacramento, Fondatrice della Congregazione delle Ancelle del Ssmo Sacramento e della Carità.
5. Riassunzione della Causa di Canonizzazione dei Beati Giovanni de Brébeuf, Isacco Jogues e Compagni, martiri, della Compagnia di Gesù.

6. Riassunzione della Causa di Canonizzazione del Beato Roberto Card. Bellarmino, della Compagnia di Gesù.

7. Concessione ed approvazione dell'Ufficio e Messa, nonchè dell'elogio da inserirsi come appendice del Martirologio romano in onore del Beato Bogumilo, Arcivescovo di Gnesna.

8. Concessione ed approvazione dell'Ufficio e Messa, nonche dell'Elogio da inserirsi come appendice nel Martirologio romano in onore della Beata Maria Bernarda Soubirous, della Congregazione delle Suore della Carità e dell'Istituzione cristiana di Nevers.

9. Intorno alla revisione degli scritti della Serva di Dio Suor Maria Veronica del Sacro Cuore di Gesù, al secolo Caterina Lioger, Fondatrice dell'Istituto delle Suore vittime del Sacro Cuore di Gesù.

SEGRETERIA DI STATO

NOMINE

Con Biglietti della Segreteria di Stato il Santo Padre Pio XI, felicemente regnante, si è degnato di nominare:

26 novembre 1925. Il Revmo P. Giovanni Battista Frey, della Congregazione dello Spirito Santo, *Segretario della Pontificia Commissione per gli studi biblici.*

» » » Il Revmo sac. prof. Ernesto Ruffini, *Consulatore della medesima Commissione Pontificia.*

Con Brevi Apostolici il Santo Padre Pio XI, felicemente regnante, si è degnato di nominare:

23 settembre 1925. L'Emo Sig. Card. Giovanni Bonzano, *Protettore delle Suore Terziarie Domenicane del SSmo Nome di Gesù* (S. Francisco di California).

10 ottobre » L'Emo Sig. Card. Camillo Laurenti, *Protettore delle Suore Orsoline Polacche* (Varsavia).

» » » L'Emo Sig. Card. Giovanni Bonzano, *Protettore delle Suore Terziarie Francescane della Carità* (Buenos Aires).

14 novembre » Monsig. Adolfo Stefanini, *Cappellano Comune Soprannumerario della Cappella Pontificia.*

Assistente al Soglio Pontificio:

3 dicembre 1924. Monsig. Francesco Muñoz e Izquierdo, Vescovo di Vich.

Protonotari Apostolici ad instar participantium:

- 29 maggio 1925. Monsig. dott. Giulio De Becker, Rettore del Collegio Americano all'Università di Lovanio.
24 settembre » Monsig. Giuseppe Patrizio Stahl, della diocesi di Davenport (S. U. A.).
30 ottobre » Monsig. Leone Pietro Gry, della diocesi di Angers.
16 novembre » Monsig. Giuseppe Bollon, dell'archidiocesi di Algeri.
17 » » Monsig. Francesco Evola, dell'archidiocesi di Monreale.
20 » » Monsig. Francesco Sibilia, della diocesi di Anagni

Prelati domestici di S. S.:

- 8 agosto 1925. Monsig. Giuseppe Falcone, della diocesi di Policastro.
» » » Monsig. Roberto Nogara, dell'archidiocesi di Fermo.
28 » » Monsig. Angelo Berenzi, della diocesi di Cremona.
17 settembre » Monsig. Giuseppe Busi, della diocesi di Piacenza.
22 » » Monsig. Antonio Katalinić, della diocesi di Spalato.
22 » » Monsig. Ludovico Bragadini, della diocesi di Borgo San Donnino.
30 » » Monsig. Bartolomeo Campana, della diocesi di Cuneo.
1 ottobre » Monsig. Giuseppe Silverio Horta, dell'archidiocesi di Marianna.
6 » » Monsig. Pietro Fourier Bonnard (Roma).
» » » Monsig. Francesco Grivet, della diocesi di Lubiana.
» » » Monsig. Michele Dermody, della diocesi di Sioux Falls.
» » » Monsig. Agostino Amiraul, della medesima diocesi.
» » » Monsig. Lorenzo Link, della medesima diocesi.
8 » » Monsig. Andrea Lestyán, della diocesi di Gran Varadino.
» » » Monsig. Giovanni Zelinka, della medesima diocesi.
13 » » Monsig. Gaspere Burggraf, dell'archidiocesi di Monaco.
16 » » Monsig. Giacomo Patrizio Cantwell, dell'archidiocesi di S. Francisco di California.
30 » » Monsig. Giuseppe Rodriguez, dell'archidiocesi di Bello-Horizonte.
17 novembre » Monsig. Giuseppe Carlotta, dell'archidiocesi di Monreale.
» » » Monsig. Giacomo Condamin, dell'archidiocesi di Lione.

ONORIFICENZE

Con Brevi Apostolici, il Santo Padre Pio XI, felicemente regnante, si è degnato di conferire:

La Gran Croce dell'Ordine Piano:

30 ottobre 1925. Al sig. William Cosgrave, Presidente dello Stato Libero di Irlanda.

La Commenda con placca dell'Ordine Piano:

13 luglio 1925. Al sig. baronetto Stuart A. Coats, della diocesi di Dunkeld.

La Commenda dell'Ordine Piano:

12 ottobre 1925. Al sig. dott. Kurt Rieth, Consigliere dell'Ambasciata di Germania a Parigi.

La Commenda dell'Ordine di San Gregorio Magno, classe civile:

- 29 luglio 1925. Al sig. Leone Hamoir, dell'archidiocesi di Malines.
7 agosto " Al sig. ing. cav. Giovanni Battista Liguori, dell'archidiocesi di Sorrento.
17 " " Al sig. Giovanni J. Raskob, della diocesi di Wilmington.
21 " " Al sig. Enrico Coquengnot, della diocesi di Lussemburgo.
22 settembre " Al sig. dott. Orazio Pedrazzi, della diocesi di Novara.
" " " Al sig. prof. Alfredo Blasi (Roma).
13 ottobre " Al sig. dott. prof. Carlo Bayer, dell'archidiocesi di Praga.
16 " " Al sig. Ragheb bey Ghali (Alessandria d'Egitto).
" " " Al sig. Zaki bey Ghali (Cairo).
20 " " Al sig. Enrico Dorchy, dell'archidiocesi di Malines.
25 " " Al sig. Ludovico Offenbergh, dell'archidiocesi di Colonia.
27 " " Al sig. Ludovico de Lausnay, dell'archidiocesi di Malines.
6 novembre " Al sig. Armando de la Rochefoucauld, duca de Doudeauville, della diocesi di Le Mans.
7 " " Al sig. Antonio Cicognani, della diocesi di Faenza.
10 " " Al sig. prof. Sebastiano Wies, dell'archidiocesi di Lione.
" " " Al sig. prof. Giuseppe Hostache, della medesima archidiocesi.
22 " " Al sig. dott. Alessandro Martinelli, dell'archid. di Milano.

Il Cavalierato dell'Ordine di San Gregorio Magno, classe civile:

- 14 giugno 1925. Al sig. Paolo Lefebvre, della diocesi di Tarbes e Lourdes.
" " " Al sig. Emilio Boulet, della medesima diocesi.

- 24 agosto 1925. Al sig. dott. Andrea Giovanni Jorritsma, della diocesi di Utrecht.
- 21 settembre » Al sig. Marino A. M. Waszink, della diocesi di Ruremonda.
- 24 » » Al sig. Angelo Foi, dell'archidiocesi di Milano.
- 28 » » Al sig. Stefano Lurgo, della diocesi di Alba Pompea.
- 30 » » Al sig. Maurizio Deckers, dell'archidiocesi di Malines.
- 7 ottobre » Al sig. Daniele Conway, della diocesi di Sioux Falls.
- 15 » » Al sig. Carlo Schemeil (Alessandria d'Egitto).
- » » » Al sig. Emilio Geahchan (Cairo).
- 12 » » Al sig. Clemente Dauchy, della diocesi di Strasburgo.
- 20 » » Al sig. Enrico Peeters, dell'archidiocesi di Malines.
- » » » Al sig. Gustavo Weinziehr, dell'archidiocesi di Breslavia.
- 23 » » Al sig. Roberto d'Welles, dell'archidiocesi di Tolosa.
- 26 » » Al sig. Carlo Milani, della diocesi di Pavia.
- 28 » » Al sig. prof. Pietro Faurel, della diocesi di Angers.
- » » » Al sig. prof. conte Gioacchino Du Plessis, della medesima diocesi.
- » » » Al sig. prof. Giorgio Albert, della medesima diocesi.
- » » » Al sig. prof. Maurizio Conette, della medesima diocesi.
- » » » Al sig. prof. Benedetto Courtois, della medesima diocesi.
- 31 » » Al sig. Ludovico Eugenio M. von Fisenne, della diocesi di Harlem.
- » » » Al sig. Felice Antoine, dell'archidiocesi di Parigi.
- 11 novembre » Al sig. prof. Antonio Collet, dell'archidiocesi di Lione.
- » » » Al sig. prof. Enrico Ollion, della medesima archidiocesi.
- » » » Al sig. prof. Felice Garcin, della medesima archidiocesi.
- 13 » » Al sig. Giovanni Gandolfe, della diocesi di Nizza.
- 14 » » Al sig. avv. Antonio Giustino Lestra, dell'archid. di Lione.
- » » » Al sig. Giuseppe A. Matt, dell'archidiocesi di S. Paolo del Minnesota.
- 18 » » Al sig. Carlo Hutton, dell'archidiocesi di S. Giovanni di Terranova.
- » » » Al sig. Enrico Pietro Toenbreker, della diocesi di Harlem.

La Commenda dell'Ordine di San Silvestro Papa:

- 24 luglio 1925. Al sig. dott. Enrico Battagliotti, dell'archidiocesi di Torino

Il Cavalierato dell'Ordine di San Silvestro Papa:

- 21 agosto 1925. Al sig. Edoardo Noirhomme, dell'archidiocesi di Malines.
- » » » Al sig. Armando Mercier, della medesima archidiocesi.
- 30 settembre » Al sig. Enrico Sbordonì (Roma).
- » » » Al sig. Giovanni Lenari, della diocesi di Dallas.

- 21 ottobre 1925 Al sig. Mattia Roerig, dell'archidiocesi di Colonia.
 » » » Al sig. Ermanno Baldus, della medesima archidiocesi.
 » » » Al sig. Guglielmo Stark, della medesima archidiocesi.
 24 » » Al sig. Giuseppe Reipen, della medesima archidiocesi.
 » » » Al sig. Enrico Clemens, della medesima archidiocesi.
 » » » Al sig. Teodoro Kirechbaum, della medesima archidiocesi.
 30 » » Al sig. Adriano Avendano y Silva, della diocesi di Pinar del Rio.
 6 novembre » Al sig. Michele Genta, dell'archidiocesi di Torino.
 10 » » Al sig. Luciano Bernard, dell'archidiocesi di Lione.
 14 » » Al sig. Giorgio Schneider, della diocesi di Ratisbona.
 22 » » Al sig. Stefano Oliva, dell'archidiocesi di Torino.

MAGGIORDOMATO DI SUA SANTITÀ

NOMINE

Con Biglietti di S. E. Rev^{ma} Monsig. Maggiordomo, il Santo Padre Pio XI, felicemente regnante, si è degnato di nominare:

Camerieri Segreti Soprannumerari di S. S.:

- 20 agosto 1925. Monsig. Ludovico Borkowski, dell'archidiocesi di Mohilew.
 19 ottobre » Monsig. Marino Cappellini, della diocesi di Campos.
 » » » Monsig. Ciro Padalino, della diocesi di Chieti.
 » » » Monsig. Bartolomeo Mischler, della diocesi di Magonza.
 » » » Monsig. Felice Delgadillo, dell'archidiocesi La Plata.
 20 ottobre » Monsig. Giuseppe Rodrigues Barrocas, della dioc. di Lamego.
 » » » Monsig. Gioacchino Ribeiro d'Almeida, della medesima dioc.
 23 » » Monsig. Vincenzo Soares, dell'archidiocesi di Bello-Horizonte.
 » » » Monsig. Carlo de Vasconcellos, della medesima archidiocesi.
 » » » Monsig. Messias de Senna Baptista, della medesima archidiocesi.
 » » » Monsig. José Custodio Brandaõ Gredes, della medesima archidiocesi.
 » » » Monsig. Romen Borges, della medesima archidiocesi.
 » » » Monsig. João Alexandro, della medesima archidiocesi.
 24 ottobre » Monsig. Antonio Maurizio de Gouveã, dell'archidiocesi di Marianna.
 3 novembre » Monsig. José Philippe da Silveira, della diocesi di Guaxupé.
 11 » » Monsig. Emmanuele Erasmo Arze, della dioc. di Cochabamba.
 » » » Monsig. Cristoforo Jimenez, della medesima diocesi.

- 11 novembre 1925. Monsig. Maccdonio Encinas, della medesima diocesi.
 » » » Monsig. Francesco Perna, della diocesi di Nicotera e Tropea.
 » » » Monsig. Francesco Palladino, della diocesi di Nola.
 12 » » Monsig. Dante Dalla Casa, dell'archidiocesi di Bologna.
 13 » » Monsig. Pietro Eberhardy, della diocesi di Treviri.
 » » » Monsig. Giuseppe Hiller, della diocesi di Bressanone.
 16 » » Monsig. Giuseppe Perardi, dell'archidiocesi di Torino.
 17 » » Monsig. Giorgio Lindermayr, della diocesi di Augusta.
 17 » » Monsig. Antonio Colonna (Roma).
 » » » Monsig. Giovanni Coltore, della dioc. di Alba Giulia e Fogarás.
 » » » Monsig. Alfredo Giovannoni, della diocesi di Lago Salso.
 20 » » Monsig. Giuseppe Mastore, della diocesi di Nardó.

Cameriere segreto di Spada e Cappia Soprannumerario di S. S.:

- 26 ottobre 1925. Il Sig. Barone Gustavo Armfelt, della diocesi di Stoccolma.

Camerieri d'onore in abito paonazzo di S. S.:

- 26 ottobre 1925. Monsig. Emilio Ripa, della diocesi di Pavia.
 » » » Monsig. Pietro Costadoni, della medesima diocesi.
 » » » Monsig. Pietro Veneroni, della medesima diocesi.
 7 novembre » Monsig. Francesco Lietz, della diocesi di S. Ippolito.
 » » » Monsig. Martino Kroismayr, della medesima diocesi.
 10 » » Monsig. Giovanni Cordeiro da Silva, dell'archidiocesi di Porto Alegre.
 11 » » Monsig. Luigi Nostro, dell'archidiocesi di Reggio Calabria.
 » » » Monsig. Giovanni J. Lobato Rendón, dell'archid. di Avana.
 17 » » Monsig. Vendelino Halász, dell'amministrazione apostolica di Tirnava.
 19 » » Monsig. Costantino Bramati, della diocesi di Jesi.

Camerieri d'onore di Spada e Cappia Soprannumerari di S. S.:

- 14 ottobre 1925. Il Sig. Comm. Raimondo Marchesi (Roma).
 13 novembre » Il Sig. Emmanuele Gonzalez de la Peña, dell'archidiocesi di Siviglia.
 14 » » Il Sig. Mario Linguiti, dell'archidiocesi di Napoli.

Camerieri d'onore extra urbem:

- 10 novembre 1925. Monsig. Reynaldo Juchem, dell'archidiocesi di Porto Alegre.
 » » » Monsig. Albino Juchem, della medesima archidiocesi.
 » » » Monsig. Michele Alfonso Scherer, della medesima archidiocesi.

Cappellani d'onore extra urbem:

- 17 novembre 1925.** Monsig. Paolo Siska, dell'amministrazione apostolica di Tir-
nava.
» » » Monsig. Carlo Necessalek, della medesima amministrazione
apostolica.

Cappellano segreto d'onore di S. S.:

- 17 novembre 1925.** Monsig. Carlo Pauer, dell'amministrazione apostolica di Tir-
nava.

NECROLOGIO

- 30 settembre 1925** Monsig. Giuseppe Bourgain, Vescovo tit. di Archelaide.
18 ottobre » Monsig. Alessandro Bardot, Vescovo tit. di Limira.
11 novembre » Monsig. Antonio Bassani, Vescovo tit. di Troade.
26 » » Monsig. Disma Marchese, Vescovo di Acqui.
28 » » Monsig. Giuseppe Ridolfi, Arcivescovo tit. di Irenopoli.
-

MONITUM - AVVISO - AVIS - NOTICE - ANZEIGE

MONITUM. - *Propter auctas - ut omnibus cognitum est - editionis expensas, pretium subnotationis huic Commentario Officiali, Acta Apostolicae Sedis, ab ineunte anno 1926 persolvendum erit ut sequitur:*

Intra fines Italiae lib. ital. 20 —
Extra Italiam frs. gall. 35 —

AVVISO. - *In conseguenza dei noti aumenti di spese di pubblicazione, il prezzo di abbonamento agli Acta Apostolicae Sedis, Bollettino ufficiale della Santa Sede, a cominciare dal prossimo anno 1926, viene così modificato:*

Per l'Italia L. it. 20 —
Per l'Estero Frs. 35 —

AVIS. - *Les dépenses générales étant augmentées, le prix d'abonnement aux Acta Apostolicae Sedis, Bulletin Officiel du Saint-Siège, à partir de l'année prochaine 1926, a dû être fixé comme il suit:*

Pour l'Italie L. it. 20 —
Pour l'étranger Frs. 35 —

NOTICE. - *Owing to the increase in all expenses, the subscription to the Acta Apostolicae Sedis, Official Bulletin of the Holy See, will be, from the beginning of next year 1926, as follows:*

For Italy L. it. 20 —
Outside Italy Frs. 35 —

ANZEIGE. - *Infolge der Erhebung der Allgemeinkosten, ist der Preis für die Acta Apostolicae Sedis vom Beginn des Jahres 1926, wie folgt, festgesetzt:*

Für Italien L. it. 20 —
Für das Ausland franz. francs 35 —

